



GRADONAČELNIK

Broj: 07-1696-1/25

Datum: 22.09.2025.godine

Gradonačelnik na osnovu člana 70. stav (1), (3) i člana 72. stav (3). tačka a) ("Službeni glasnik BiH", broj: 39/14, 59/22 i 50/24), Budžeta Grada Srebrenik za 2025.godinu („Sužbeni glasnik grada Srebrenik“, broj: 4/25), članova 37. i 139. Statuta Grada Srebrenik (“Službeni glasnik Grada Srebrenik”, broj: 1/24) te člana 34. Pravilnika o javnim nabavkama Grada Srebrenik (“Službeni glasnik Grada Srebrenik”, broj: 7/25), a na preporuku Komisije za javnu nabavku po Dopuni zapisnika o pregledu i ocjeni ponuda broj: 07-1696/25 od 11.07.2025. godine, broj: 07-1696/25 od 17.09.2025. godine za javnu nabavku radova – “Izgradnja vatrogasnog doma – faza 6” za LOT 1 – Keramičarski radovi i hidroinstalaterski radovi, d o n i o j e:

ODLUKU o izboru drugorangiranog ponuđača

I

Stavlja se van snage Odluka o izboru ponuđača u postupku javne nabavke radova – “Izgradnja vatrogasnog doma – faza 6” za LOT 1 – Keramičarski radovi i hidroinstalaterski radovi, broj: 07-1696-1/25 od 20.08.2025. godine, jer je izabrani ponuđač „ELEKTROCENTAR PETEK“ d.o.o. Tuzla propustio dostaviti originale ili ovjerene kopije dokumenata iz člana 45. stav (2) Zakona o javnim nabavkama u ostavljenom roku od 7 dana.

II

Grad Srebrenik, ugovor za javnu nabavku radova – “Izgradnja vatrogasnog doma – faza 6” za LOT 1 – Keramičarski radovi i hidroinstalaterski radovi dodjeljuje drugorangiranom ponuđaču SO „SKAM“ Srebrenik, vl. Smajlović Vahidin, a u skladu sa ponudom broj: 2/25 od 30.06.2025. godine i Izvještajem o toku i završetku e-aukcije od 18.07.2025. godine.

III

Ponuda ponuđača iz člana II ove Odluke, nakon završetka e-aukcije, iznosi **18.407,40 KM (cijena bez uračunatog PDV-a)** odnosno **21.536,66 KM (cijena sa uračunatim PDV-om)**.

IV

Grad Srebrenik, će po sticanju uslova za zaključenje ugovora na osnovu Zakona o javnim nabavkama, sa izabranim ponuđačem iz člana II ove Odluke zaključiti ugovor.

V





Izabrani ponuđač iz člana II ove Odluke, dužan je u roku od 7 dana od dana prijema ove odluke, dostaviti dokaze po članu 45. stav (2) Zakona o javnim nabavkama iz tačke 3.1. tenderske dokumentacije. Dokaze koje dostavlja izabrani ponuđač ne mogu biti stariji od tri mjeseca, računajući od dana dostavljanja ponude.

VI

Ova odluka objavit će se na web-stranici www.srebrenik.ba istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

OBRAZLOŽENJE

Postupak javne nabavke radova – “Izgradnja vatrogasnog doma – faza 6”, otvorenim postupkom, pokrenut je Odlukom, broj: 07-1696/25 dana 18.06.2025. godine, sa procjenjenom vrijednošću u iznosu od 200.349,75 KM (bez PDV-a), a za LOT 1 iznosi: 20.981,50 KM (bez PDV-a).

Dana 19.06.2025. godine Grad Srebrenik je na portalu Javnih nabavki objavio Obavještnje o nabavci, broj: 761-1-3-31-3-46/25 a sažetak obavještenja objavljen je u „Službenom glasniku BiH“ broj: 38/25 od 27.06.2025. godine.

U krajnjem roku za dostavu ponuda, konkretno za LOT 1 je dostavljene su ponude sljedećih ponuđača:

1. SO “SKAM” Srebrenik, vl. Smajlović Vahidin, broj i datum ponude: 2/25 od 30.06.2025. godine u iznosu od 18.407,50 KM (bez PDV-a)
2. “BAUMAX” d.o.o. Srebrenik, broj i datum ponude: 94/2025 od 08.07.2025. godine, u iznosu od 20.953,60 KM (bez PDV-a)
3. “ELEKTROCENTAR PETEK” d.o.o. Tuzla, broj i datum ponude: UP0192-25-JN od 09.07.2025.godine, u iznosu od 20.981,50 KM (bez PDV-a)

Komisija je navedene ponude ocijenila kao potpuno kvalifikovane u skladu sa zahtjevima iz tenderske dokumentacije, prihvatljive, pravilne i potpune. Računskom provjerom utvrđena je računaska greška u ponudi ponuđača SO „SKAM“ Srebrenik, vl. Smajlović Vahidin, pa je shodno tome Komisija uputila putem e-maila zahtjev za ispravku računaska greške ponuđaču SO „SKAM“ Srebrenik, vl. Smajlović Vahidin, a imenovani ponuđač je dao saglasnost na ispravku utvrđene greške.

Narpijed spomenuto sadržano je u Zapisniku o pregledu i ocjeni ponude broj: 07-1696/25 od 11.07.2025. godine.

Kako je predviđena e-auckija ista je zakazana za dan 18.07.2025. godine u 13:00h. Po završetku e-auckije najpovoljnija je bila ponuda ponuđača „ELEKTROCENTAR PETEK“





d.o.o. Tuzla u iznosu od 18.400,00 KM (cijena bez uračunatog PDV-a).

Shodno tome, Grad Srebrenik je donio Odluku o izboru ponuđača, broj: 07-1696-1/25 dana 20.08.2025. godine, kojom se ugovor dodjeljuje prvorangiranom ponuđaču „ELEKTROCENTAR PETEK“ d.o.o. Tuzla. Navedena je Odluka zajedno uz Obavještenje ponuđačima o rezultatima postupka javne nabavke broj: 07-1696-1/25 od 20.08.2025. godine i Zapisnikom o pregledu i ocjeni ponuda broj: 07-1696/25 od 11.07.2025. godine dostavljena svim ponuđačima koji su učestvovali u postupku javne nabavke za LOT 1.

Međutim, izabrani ponuđač „ELEKTROCENTAR PETEK“ d.o.o. Tuzla nije u određenom/ostavljenom roku od 7 dana, tj. do 02.09.2025. godine, dostavio zahtjevane dokaze iz 45. stav (2) Zakona o javnim nabavkama. Slijedom toga, Komisija za javne nabavke sačinila je Dopunu Zapisnika o pregledu i ocjeni ponuda broj: 07-1696/25 od 11.07.2025. godine, broj: 07-1696/25 dana 17.09.2025. godine u kojem je konstatovala navedeni propust. Obzirom da Ugovorni organ dostavlja prijedlog ugovora onom ponuđaču čija je ponuda po rang listi odmah nakon ponude najuspješnijeg ponuđača, Komisija je dala preporuku da se prijedlog ugovora dostavi na potpisivanje ponuđaču SO „SKAM“ Srebrenik, vl. Smajlović Vahidin u iznosu od 18.407,40KM (cijena bez uračunatog PDV-a), odnosno u iznosu od 21.536,66 KM (cijena sa uračunatim PDV-om) za predmetni LOT 1, a nakon dostavljanja dokaza članu 45. stav (2) Zakona o javnim nabavkama iz tačke 3.1. Tenderske dokumentacije.

Postupajući po navedenoj preporuci Komisije i primjenjujući član 72. stav (3) tačka a) Zakona, odlučeno je kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi putem Ugovornog organa, najkasnije u roku od 10 (deset) dana od dana prijema ove Odluke, shodno članovima 97., 99. i 101. Zakona o javnim nabavkama. Žalba se podnosi u dovoljnom broju primjeraka, a koji ne može biti manji od tri.

Dostavljeno:

1. Ponuđaču 3x,
2. Evidenciji,
3. Budžetu i
4. Arhivi,



GRADONAČELNIK

Adnan Bjelić

